

ՓԵՐԻՇԱՆ.– Լաա՛ա՛լ... (Երկարացնում է մինչև ամբողջի խորքը գնալով:)

ԽՈՉԵՆԻ.– (Խորդում է եւ բեղերը ոլորելով մտիկ տալիս դեսուդեն:)

ԴԱՆԳԻՉ.– (Խորքից) Խոզենի՛...

ԽՈՉԵՆԻ.– Ինչ է՛է՛...

ԴԱՆԳԻՉ.– Սոված եմ,

ԽՈՉԵՆԻ.– Արի գոմե՛շ կեր,

ԴԱՆԳԻՉ.– (Դուրս ցատկելով ամբողջի՝ փաթաթում է ամբողջի ատամներից մինին) Ո՛ր է, բեր:

ԽՈՉԵՆԻ.– (Հսկայաբար եւ երկար ծիծաղում է) Հա՛, հա՛, հա , հա , փա՛հ, փա՛հ, փա՛հ, փա՛հ, հո՛, հո՛, հո՛, հո՛, հո՛ւ, հո՛ւ, հո՛ւ, հո՛ւ...

ԴԱՆԳԻՉ.– (Բռնելով նրան) Ծիծաղդ պրծի բան եմ ասում: Ծիծաղդ պրծի բան եմ ասում:

ԽՈՉԵՆԻ.– (Շարունակում է ծիծաղել, կարծես այդ ծիծաղը անկախ բան է նրանից:)

ԴԱՆԳԻՉ.– Տե՛ս, պրծա՛ւ ծիծաղդ, տե՛ս, պրծա՛ւ ծիծաղդ:

ԽՈՉԵՆԻ.– (Հանկարծ դադարելով) Հա՛, պրծա՛ւ: Ի՞նչ ես ասում:

ԴԱՆԳԻՉ.– Ղոռոբուղան էստեղ չի՞:

ԽՈՉԵՆԻ.– Ո՛րսի է գնացել, ո՛րսի...

ԴԱՆԳԻՉ.– (Կանգ առնելով եւ մտածելով) Ասում ես որսի՞: (Էլի կանգ է առնում եւ մտածում:)

ԽՈՉԵՆԻ.– Տե՛ս, հասկացա՞ր:

ԴԱՆԳԻՉ.– (Կանգ առնելով եւ մտածելով) Հա՛, հասկացա: (Ընկղմում է: Մակայն իսկոյն դուրս գալով) Մեծ պղինձը ես պիտի ուտեմ:

ԽՈՉԵՆԻ.– (Ճղում է) Բա՛ա՛ա՛, ո՞նց թէ: (Բամփում է գլխին) Այ թեգ: Հըա՛մմմ...

ՓԵՐԻՇԱՆ.– (Հանկարծ դուրս պրծնելով ամբողջի խորքից, օդը հոտոտելով) Մարդահոտ եմ առնում...

ԽՈՉԵՆԻ.– Մարդահոտ... Հըա՛մմմ,

ՓԵՐԻՇԱՆ.– (Կռնալով դէպի ներքեւ) Ղորոնթի... Մարդահոտ է գալիս...

ՂՈՐՈՆԹԻ.– (Շիլ հսկա, շեկ մաղերով: Գլուխը դուրս հանելով) Մարդահոտ...(Հոտոտում է օդը:)

ԽՈՉԵՆԻ.– (Ցոյց տալով դէպի ձախ) Ղոռոբուղա ապերը, Ղառաղուռան:

ՓԵՐԻՇԱՆ.– Մեծ ապերն եկա՛ւ, մեծ ապերն եկա՛ւ: (Ծափ է տալիս:)

Զախ կողմից ներս են մտնում Ղոռոբուղան եւ Ղառաղուռան, առաջինը վիթխարի հսկա է թաւ հոնքերով, երկրորդը՝ աւելի փոքր, կարճահասակ